

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**SA TRIDESETPETE SJEDNICE GRADSKOG VIJEĆA TUZLA ODRŽANE 31. JANUARA 2024. GODINE U POSLOVNOM OBJEKTU „GRAFIČAR“ SA POČETKOM U 10,00 SATI.**

**- SJEDNICI PRISUSTVUJE 31 VIJEĆNIK.**

**U Tuzli, januar 2024. godine**

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 35. redovnu sjednicu Gradskog vijeća Tuzla.

Gradonačelnik Grada Tuzle, trenutno je na službenom putu, te se izvinuo što neće moći biti prisutan danas na sjednici, ali vas je sve pozdravio.

Konstatujem da prema evidenciji Stručne službe Gradskog vijeća Tuzla, sjednici prisustvuje 31 od ukupnog broja vijećnika.

Podsjećam vijećnike da su, uz materijale za današnju sjednicu, dobili i Zapisnik, a svaki klub vijećnika i stenogram sa 34. redovne sjednice Gradskog vijeća Tuzla, održane 20.12.2023. godine.

Da li ima primjedbi na Zapisnik sa 34. redovne sjednice Gradskog vijeća Tuzla?

Ako nema, stavljam na izjašnjavanje Zapisnik sa 34. redovne sjednice.

Glasanje je okončano.

Konstatujem da je Zapisnik sa 34. redovne sjednice Gradskog vijeća Tuzla usvojen sa, 19 glasova za...Niste glasali? Al nisu ni u sali. Zašto nisu? (SLAĐANA KRAJINA – Poništi. Poništi. Ponišićemo glasanje, pa ponovo). Poništite glasanje.

Glasanje je okončano.

Konstatujem da je Zapisnik sa 34. redovne sjednice Gradskog vijeća Tuzla usvojen sa, 23 glasa za, nije bilo protiv i nije bilo suzdržanih.

Za današnju 35. redovnu sjednicu Gradskog vijeća Tuzla, predlažem Dnevni red koji ste dobili u materijalima za sjednicu.

Gradskom vijeću Tuzla 25.01.2024. godine od strane Savjeta Mjesne zajednice Dragunja dostavljena je, u skladu sa članom 74. Statuta Grada Tuzla („Službeni glasnik Grada Tuzle“, broj 6/21.), Građanska inicijativa građana Mjesne zajednice Dragunja da Gradsko vijeće Tuzla donese odluku kojom će se riješiti pitanje vodosnabdijevanja i odvodnje otpadnih voda na način da će se ista priključiti na mrežu gradskog vodovoda.

Kada su u pitanju građanske inicijative kao oblik neposrednog odlučivanja građana, podsjećamo da je članom 74. Statuta Grada Tuzle propisano sljedeće:

*„O svakom pitanju iz djelokruga Gradskog vijeća može se pokrenuti rasprava putem građanske inicijative.“*

Članom 75. Statuta Grada Tuzle propisano je sljedeće:

***(1) Gradsko vijeće je dužno, da raspravlja o građanskoj inicijativi iz prethodnog člana, ako je inicijativa podržana potpisom najmanje deset posto birača upisanih u birački spisak sa područja mjesne zajednice iz koje je potekla inicijativa.***

***(2) Gradsko vijeće je dužno donijeti odluku o dostavljenoj građanskoj inicijativi na prvoj narednoj sjednici i dati odgovor podnositeljima inicijative najkasnije trideset dana od dana prijema inicijative.***

Uvidom u podnesenu Građansku inicijativu utvrđeno je da su istu potpisala 203 građana.

Uvidom u akt Službe za opću upravu i zajedničke poslove, broj 09-16/24 od 26.01.2024. godine, utvrđeno je da je u birački spisak za područje Mjesne zajednice Dragunja na dan 26.01.2024. godine, upisano 1.153 birača, te da je Građanska inicijativa građana Mjesne zajednice Dragunja podržana potpisima više od deset posto birača upisanih u birački spisak sa područja mjesne zajednice iz koje je proistekla inicijativa.

Imajući u vidu citirane odredbe Statuta Grada Tuzla koje se odnose na građansku inicijativu, od Javnog komunalnog preduzeća Vodovod i kanalizacija Tuzla i od Službe za komunalne poslove, izgradnju i poslove mjesnih zajednica je zatraženo da razmotre Građansku inicijativu, te da pripreme odgovarajuće akte za sjednicu Gradskog vijeća Tuzla koja se održava danas, kako bi Gradsko vijeće Tuzla moglo, u skladu sa članom 75. Statuta Grada Tuzle donijeti odluku o dostavljenoj građanskoj inicijativi i dati odgovor podnositeljima inicijative najkasnije trideset dana od dana prijema inicijative.

Služba za komunalne poslove, izgradnju i poslove mjesnih zajednica je 29.01.24. godine dostavila Informaciju, broj 05-19-142/24 u vezi sa Građanskom inicijativom građana Mjesne zajednice Dragunja, koju ste dobili elektronski, kao i u materijalima podijeljenim pred sam početak sjednice.

Napominjem da je Javno komunalno preduzeće Vodovod i kanalizacija Tuzla, uz Izjašnjenje, resornoj Službi dostavio i grafičke priloge sa definisanim osnovnim tehničkim elementima (trasa, dužina i prečnik cjevovoda sa lokacijama i kapacitetima planiranih rezervoara), koje zbog formata, nisu umnožene, ali se u iste može izvršiti uvid u toku trajanja same sjednice.

Imajući u vidu da je članom 75. Statuta Grada Tuzle propisano da je „Gradsko vijeće dužno, da raspravlja o građanskoj inicijativi, ako je inicijativa podržana potpisom najmanje deset posto birača upisanih u birački spisak sa područja mjesne zajednice iz koje je proistekla inicijativa“, uz prijedlog dnevnog reda današnje 35. redovne sjednice Gradskog vijeća Tuzla se uvrštava Građanska inicijativa građana Mjesne zajednice Dragunja da Gradsko vijeće Tuzla donese odluku kojom će se riješiti pitanje vodosnabdijevanja i odvodnje otpadnih voda, na način da će ista priključiti se na mrežu gradskog vodovoda, sa Informacijom Službe za komunalne poslove, izgradnju i poslove mjesnih zajednica, broj 05-19-142/24 od 29.01.24. godine, i to kao tačka 13. dnevnog reda, dok se ostale tačke redosljedom pomjeraju.

Građansku inicijativu građana Mjesne zajednice Dragunja, kao i sve akte vezane za postupanje po Građanskoj inicijativi ste dobili elektronski, kao i printane, na ulazu u salu.

Omer Berbić, vijećnik Naše stranke, je u poslovničkom roku, 24.01.24. godine, dostavio prijedlog da se u dnevni red današnje 35. redovne sjednice, uvrsti tačka pod nazivom Rasprava o stanju u Javnom komunalnom preduzeću Komunalac Tuzla, nakon povećanja cijena odvoza otpada.

Pozivam vijećnika Berbića ukoliko želi da obrazloži svoj prijedlog (OMER BERBIĆ – Može). Izvolite.

### **OMER BERBIĆ – vijećnik Naše stranke**

Hvala ljepo. Pa evo mi smo na jednoj sjednici Gradskog vijeća prije nekih sedam mjeseci, donijeli odluku da ćemo povećati cijenu odvoza smeća. Doduše nismo svi. Ja nisam glasao za tu odluku, jer nisam vjerovao riječima koji su ovdje govorili, a to jeste da će se dići radnicima, NK radnicima 32%, a ako bude prostora da će se onda dizati VSS radnicima u Komunalcu. I da će se naravno od tih para obezbijediti nova oprema i da će ta nova oprema biti dobra za firmu i za građane grada Tuzle.

Nakon sedam mjeseci mi dobijamo pismo od Samostalnog sindikata iz Komunalca, gdje ljudi decidno navode da se to nije desilo. Gdje ljudi navode da su im plate povećane 19% samo da građani znaju koji ovo budu slušali. Tada su plate bile 500, 600 maraka, 700, za ljude koji odvoze smeće. A VSS je imao negdje i duplu i možda tri puta veću platu.

Sada Savez samostalnih sindikata, odnosno granska organizacija Komunalca kaže da su plate radnicima povećane 19%, a da su VSS povećane od 7 do 9%, iako to nije bio dogovor, odnosno nije bio jedan od zaključaka Gradskog vijeća kada smo mi ovdje dizali cijene

građanima. Iz tog razloga sam tražio da se ova tačka uvrsti na dnevni red. Ali ne samo da se uvrsti na dnevni red, nego da se pozove i sindikat i direktor, da nam se obrate jedni, da nam se obrate drugi i da znamo šta je stvarno stanje u Komunalcu, jer nakon što sam stavio ovu dopunu dnevnog reda, obratio nam se Komunalac i direktor koji navodi da ispravlja netačne navode iz ovog što nam je, ovog pisma koje nam je poslao, poslao Sindikalna organizacija JKP Komunalac.

Za ljude koji gledaju, ovdje nam je poslano i pet, pet šefova iz Komunalca koji su dali svoje mišljenje, svoje razmišljanje, ali nam je također i Sindikat poslao i platne liste. Evo ja ću to okrenuti vamo, pa da se vidi. Znači, radnik na utovaru smeća da ima platu od 834 marke. To je 18.04.2023. godine. Uz ovoliko povećanje cijena, običnih namirnica, ja ne znam kako ovakav radnik može izdržati četveročlanu porodicu, a znamo kakva je situacija, da je nerijetko ta situacija u pitanju, da ljudi sa ovakvom platom moraju izdržavati četveročlanu porodicu.

Tako da Gradsko vijeće mora da razmišlja i mora da prati stvari koje je obećalo, a prije svega da drži pod kontrolom ona preduzeća za koje se dobije informacija da ne rade ono što je obećano.

Zato smatram da bi Gradsko vijeće trebalo da ima moralnu, etičku, ljudsku obavezu, da ovu tačku stavi na dnevni red. Da dobijemo izjašnjenje direktora. Da se pozove Sindikat. Neka se stavi kao zadnja tačka dnevnog reda danas. Da ima dovoljno prostora da dođe Sindikat, jer sam vidio da ih nema. I da Gradsko vijeće usvoji set zaključaka kojim bi nadziralo stanje u Komunalcu, odnosno ono što je ovdje obećano pred svima nama. Da usvoji set zaključaka koji bi nam donio kao informaciju da li je ovo tačno što je dao Sindikat. Da usvoji set zaključaka kako bi se ispoštovalo ono što je ovdje obećano i ono što smo mi građanima obećali kada smo dizali cijenu odvoza smeća, jer sa mnogim građanima s kojim sam pričao, cijena odvoza smeća, podizanje cijena odvoza smeća je bilo OK, ukoliko se ljudima digne plata sa 500, 600 maraka, što je bila sramota. Sada više nisam siguran da je OK. Barem meni ne bi bilo OK ukoliko se ispostavi da je ovo tačno.

I opet kažem. Kao zadnja tačka dnevnog reda bi se trebalo uvrstiti iz prostog razloga što ovdje vidim da je uprava Komunalca došla, al ne vidim Sindikat. Treba da dobijemo jednu stranu, drugu stranu priče. Da se Gradsko vijeće napokon oglasi po ovom pitanju kroz set zaključaka, kroz razmišljanja, kroz inicijative vijećnika i da razriješimo ovo pitanje jednom zauvijek da li je u pravu Sindikat, da li je u pravu Komunalac i da se dođe do jednog pravog ispravnog razmišljanja.

Ovdje ima još navoda. Evo neću dugo. Još ću pola minute. Možda ovdje ima još navoda koje bi se trebalo razmotriti, to jeste da se konstantno zanemaruje uloga Sindikata. Da se na pojedine članove vrše pritisci. Da se izdvajaju podobni. I tako dalje. To je opovrgnuto u pismu od strane direktora Komunalca, ali opet ako se ovakve stvari napišu, red je dat ljudima šansu da se to objasni u javnosti, da se predoče javnosti činjenice i da znamo o kojim stvarima mi pričamo.

Iz tog razloga sam tražio da se ovo stavi kao posebna tačka dnevnog reda. Mislim da je jako bitno da se brinemo o ljudima koji nam brinu o čistoći grada i da ljudski moral na svaki drugi način to opravdamo. Hvala ljepo.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se.

Sada stavljam na izjašnjavanje prijedlog Omera Berbića, vijećnika Naše stranke, da se u dnevni red današnje 35. redovne sjednice Gradskog vijeća Tuzla, uvrsti tačka pod nazivom Rasprava o stanju u Javnom komunalnom preduzeću Komunalac Tuzla nakon povećanja cijena odvoza otpada.

Molim vijećnike da se izjasne.

Zaključujem glasanje.

Konstatujem da je za prijedlog Omera Berbića, vijećnika Naše stranke glasalo 6 vijećnika, od toga je 2 protiv i 17 suzdržano,

*tako da prijedlog Omera Berbića, vijećnika Naše stranke da se u dnevni red današnje 35. redovne sjednice Gradskog vijeća Tuzla, uvrsti tačka pod nazivom Rasprava o stanju u Javnom komunalnom preduzeću Komunalac Tuzla nakon povećanja cijena odvoza otpada, nije dobila potrebnu većinu za uvrštavanje u dnevni red.*

Gradonačelnik Grada Tuzle je 26.01.24. godine, dostavio prijedlog da se u dnevni red 35. redovne sjednice Gradskog vijeća Tuzla uvrsti tačka pod nazivom Razmatranje i donošenje Odluke o izmjeni i dopuni Odluke o kreditnom zaduženju Grada Tuzla.

Prijedlog Gradonačelnika Grada Tuzle ste dobili elektronski, kao i u materijalu podijeljenom pred početak sjednice.

Sada stavljam na izjašnjavanje prijedlog Gradonačelnika Grada Tuzle da se u dnevni red 35. redovne sjednice Gradskog vijeća Tuzla uvrsti tačka pod nazivom Razmatranje i donošenje Odluke o izmjeni i dopuni Odluke o kreditnom zaduženju Grada Tuzle, te predlažem da se ova tačka razmatra kao tačka 2. dnevnog reda, a da se sve ostale tačke redosljedom pomjere.

Molim vijećnike da se izjasne. (OMER BERBIĆ – Oprostite, možemol dobit pauzu prije glasanja. Ja ne znam o čemu se ovdje radi). Ne može, u toku je glasanje. Poslije glasanja možete. (OMER BERBIĆ – Poslovničku). (NATAŠA PERIĆ – Ne možete u toku glasanja). Ne možete u toku glasanja dobit pauzu. (OMER BERBIĆ – Al nisam glasao. Nek se poništi glasanje). Ali jesmo mi ostali glasali. (vijećnik Omer Berbić govori bez uključenog mikrofona op.a.). Ne možete dobit u toku glasanja pauzu. Molim vas. Tu ste...Samo malo kolega Berbiću, molim vas, u sali ste. Izjasnite se da glasate. Ako nećete da glasate OK. Evidentiraćemo vas da niste glasali. (OMER BERBIĆ – Ne možete, morate poništiti glasanje). Ne možemo vam dat pauzu u toku glasanja. Molim vas. (OMER BERBIĆ – Više puta se poniš...Više puta se samo ovo je za stenogram. Više puta se poništavalo glasanje kada vijećnik koji je u sali ne glasa). Kad nešto nije u redu što se tiče glasanja. (OMER BERBIĆ – Nije tako). Nekad vijećnik ne želi da glasa, molim vas. (OMER ERBIĆ – Ne, ne radim).

Glasanje je okončano. (OMER BERBIĆ – Možetel Sla... ne možete okončat). Konsatujem da je glasanje okončano. (OMER BERBIĆ - Možetel Slađana objasniti molim vas kako je pravilnikom definisano ovo?). Konsatujem da je prijedlog Gradonačelnika Grada Tuzle da se u dnevni red (OMER BERBIĆ – Poslovnička. Tražim samo da mi se objasni po poslovniku kako je...) Mogul završit pa će te dobit poslovničku. (OMER BERBIĆ – Ne možete završiti, jer nije okončano glasanje). Mogu završit.

Konstatujem da je prijedlog Gradonačelnika Grada Tuzle da se u dnevni red 35. redovne sjednice Gradskog vijeća Tuzla uvrsti tačka pod nazivom Razmatranje i donošenje Odluke o izmjeni i dopuni Odluke o kreditnom zaduženju Grada Tuzla, kao i prijedlog da se ova tačka razmatra kao tačka 2. dnevnog reda, a da se ostale tačke redosljedom pomjere usvojen sa,

25 glasova za, nije bilo protiv i 1 suzdržan.

Sada stavljam na izjašnjavanje dnevni red u cjelini i pozivam vijećnike da glasaju. Mirele, molim vas da glasate.

Glasanje je okončano.

Konstatujem da je dnevni red usvojen...

## **OMER BERBIĆ**

Poslovnička. Molim vas da mi, samo da mi sekretar Gradskog vijeća objasni da li je ovo po poslovniku, s obzirom da nam se više puta ovdje govorilo da nije po poslovniku ukoliko je vijećnik u sali, a nije glasao, da se glasanje mora poništiti. (SELMA ĆATIBUŠIĆ - Član 74. Poslovnika).

## **SLAĐANA KRAJINA – sekretar Gradskog vijeća Tuzla**

Ako su u sali moraju se izjasniti. (OMER BERBIĆ – Tako je. A ja se nisam izjasnio, tako da ovo glasanje nije u skladu sa poslovnikom).

## **ANA PEJIĆ - zamjenik predsjedavajućeg Gradskog vijeća Tuzla, -vijećnik Socijaldemokratske partije**

Pauza 10 minuta. (Pauza).

Konstatujem da je dnevni red u cjelini usvojen sa...Molim vijećnike da uđu u salu. Pozivam vijećnike da uđu u salu kako bismo nastavili sa sjednicom. Pozivam vijećnike da uđu u salu kako bismo nastavili sa sjednicom.

Konstatujem da je dnevni red u cjelini usvojen sa 24...Evo samo da konstatujem za dnevni red (OMER BERBIĆ – Ne, ne. Nisam ja glasao, bio sam u sali. Po poslovniku vi ste mene morali upozorit da nisam glasao i da moram glasat. Na ovu tačku niste, a volio bi da glasam za ovu tačku). Dobro.

Konstatujem da je dnevni red u cjelini usvojen sa,  
24 glasa za, (OMER BERBIĆ – Poslovnička), nije bilo protiv i 1 suzdržan.

## **D N E V N I R E D**

**- Usvajanje Skraćene verzije zapisnika sa 34. redovne sjednice Gradskog vijeća Tuzla, održane 20.12.2023. godine**

### **1. VIJEĆNIČKA PITANJA I INICIJATIVE**

**2. RAZMATRANJE I USVAJANJE ODLUKE O IZMJENI I DOPUNI ODLUKE O KREDITNOM ZADUŽENJU GRADA TUZLA**

**3. RAZMATRANJE I USVAJANJE ODLUKE O PRISTUPANJU PRVOJ IZMJENI REGULACIONOG PLANA PROSTORNE CJELINE “SJENJAK 1” I PROSTORNE CJELINE SJENJAK 2 “**

**4. RAZMATRANJE I USVAJANJE RJEŠENJA O IMENOVANJU ČLANOVA I ZAMJENIKA ČLANOVA DRUGOSTEPENOG UPRAVNOG VIJEĆA**

### **5. RAZMATRANJE I USVAJANJE:**

**a) ODLUKE O RAZRJEŠENJU ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA**

**b) ODLUKE O RASPISIVANJU JAVNOG OGLASA, POSTUPKU I UTVRĐIVANJU USLOVA I KRITERIJA ZA IMENOVANJE ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA (sa tekstom Javnog oglasa)**

**c) RJEŠENJA O IMENOVANJU KOMISIJE ZA PROVOĐENJE JAVNOG OGLASA ZA IMENOVANJE ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA**

**6. RAZMATRANJE I USVAJANJE ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM UG „TUZLANSKI AKADEMSKI KLUB“.**

**7. RAZMATRANJE I USVAJANJE ODLUKE O IZMJENI ODLUKE O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA POBOLJŠANJA ENERGIJSKE EFIKASNOSTI I SMANJENJA AEROZAGAĐENJA NA PODRUČJU GRADA TUZLE**

**8. RAZMATRANJE I USVAJANJE ODLUKE O PRISTUPANJU IZRADI PLANA UPRAVLJANJA IMOVINOM GRADA TUZLA ZA PERIOD OD 2024. DO 2027. GODINE**

**9. RAZMATRANJE I USVAJANJE IMOVINSKO PRAVNIH AKATA:**

a) Odluka o utvrđivanju javnog interesa za postavljanje priključnog 1kV voda za SO 015 i SPO 012A u naselju Slatina u gradu Tuzli

**10. RAZMATRANJE I USVAJANJE GENDER AKCIONOG PLANA GRADA TUZLE ZA PERIOD OD 2024. DO 2027. GODINE**

**11. RAZMATRANJE I USVAJANJE PRAVILNIKA O IZMJENAMA I DOPUNAMA PRAVILNIKA O KRITERIJIMA I POSTUPKU ZA OSTVARIVANJE PRAVA NA SOCIJALNE JEDNOKRATNE NOVČANE POMOĆI IZ BUDŽETA GRADA TUZLE**

**12. RAZMATRANJE I USVAJANJE PRAVILNIKA O IZMJENAMA I DOPUNI PRAVILNIKA O NAČINU KORIŠTENJA, REDU I RADU NA TAKSI STAJALIŠTIMA I KRITERIJIMA ZA DODJELU TAKSI STAJALIŠTA**

**13. RASPRAVA O GRAĐANSKOJ INICIJATIVI GRAĐANA MZ DRAGUNJA DA GRADSKO VIJEĆE TUZLA DONESE ODLUKU KOJOM ĆE SE RIJEŠITI PITANJE VODOSNABDIJEVANJA I ODVODNJE OTPADNIH VODA NA NAČIN DA ĆE SE ISTA PRIKLJUČITI NA MREŽU GRADSKOG VODOVODA, SA INFORMACIJOM SLUŽBE ZA KOMUNALNE POSLOVE, IZGRADNJU I POSLOVE MJESNIH ZAJEDNICA, BROJ 05-19-142/24 OD 29.01.2024. GODINE**

**14. RASPRAVA O NACRTU ZAKONA O ORUŽJU I MUNICIJI**

**15. RAZMATRANJE IZVJEŠTAJA KOMISIJE ZA IZBOR I IMENOVANJA**

**16. TEKUĆA PITANJA**

(OMER BERBIĆ – Poslovnička).

Sada prelazimo na realizaciju dnevnog reda današnje 35. redovne sjednice (OMER BERBIĆ – Molim vas) Gradskog vijeća Tuzla (OMER BERBIĆ – Ne možete...). Samo malo. Selma je prva tražila Poslovničku. Selma izvolite. (OMER BERBIĆ – Poslovnička je bila prije vaše konstatacije da je dnevni red usvojen).

### **SELMA ĆATIBUŠIĆ – vijećnik Platforme za progres**

U skladu sa članom. 74. Poslovnika o radu Gradskog vijeća Grada Tuzle, vijećnik koji želi govoriti o povredi poslovnika ili o ne pridržavanju dnevnog reda, predsjedavajući daje riječ čim je zatraži, što će reći da ukoliko vijećnik traži poslovničku, mora da istovremeno dobije mogućnost da obrazloži na koji član se poslovnička, poslovnički prigovor, je li, odnosi.

I s druge strane, u skladu sa članom 79. govori se da vijećnici glasaju tako što se izjašnjavaju sa za, protiv ili kao suzdržani u odnosu na prijedlog. Svi vijećnici koji su prisutni u momentu glasanja, dužni su se izjasnit na jedan od način od prethodnog stava.

Prije početka glasanja predsjedavajuća će uz pomoć službe utvrditi koliki je tačan broj prisutnih vijećnika ako to zahtijevaju neki od klubova.

Hoću da kažem da, molim vas da se poštuje dignitet Gradskog vijeća da se konačno evo četvrtu godinu nauči kako se koristiti Pravilnikom Gradskog vijeća Grada Tuzle kad neko traži poslovničku, da mu se da prvenstveno obaveza da tu poslovničku obrazloži određenim članom i isto tako da sam, sam, je li, predsjedavajući ili predsjedavajuća, kao i zamjenici, kao i sekretar, poštuju prvenstveno oni te stvari. Hvala.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

U redu. Sljedeći...Poslovnička. Omer Berbić, vijećnik Naše stranke.

**OMER BERBIĆ**

Samo bi volio da nam se sekretar evo...ovaj dio koji je Selma prvo rekla da se poslaniku koji traži poslovničku daje riječ odmah prije nego što je konstatovano da je glasanje završeno. Imali smo pauzu. Mi smo tražili prije toga poslovničku. Mislim da nam se trebalo prije nego što se konstatovalo da je dnevni red usvojen dati pravo na poslovničku kako bi mi obrazložili da je predsjedavajuća trebala mene da upozori da ja moram glasati za, protiv ili suzdržan po ovoj tački dnevnog reda, a ja to nisam uradio niti me je predsjedavajuća, predsjedavajuća upozorila da treba da glasam za tačku dnevnog reda, ovaj, za, protiv ili suzdržano.

**SLADANA KRAJINA – sekretar Gradskog vijeća Tuzla**

Ja stvarno ne mogu se ovdje izjašnjavati, da vam kažem, tumačenje odredbe poslovnika daje Statutarna komisija, Komisija za statutarna pitanja i propise, a ne sekretar Gradskog vijeća.

Ali, evo ja ću reći ono Poslovnikom je propisano da predsjedavajući daje riječ vijećniku koji zatraži poslovničku, čim je zatraži, ali se ona zaista nikad nije davala dok je u toku proces glasanja, pogotovo što se glasalo i samo je trebalo konstatovati rezultate glasanja. Problem je što da Stručna služba uprati, vidjeli ste da u Poslovniku piše na prijedlog Kolegija će se utvrditi broj vijećnika koji su prisutni u sali. To bi lako bilo pratiti u svakom momentu i Stručnoj službi i predsjedavajućoj i zamjeniku da svih 31 vijećnik sjedi na svom mjestu u toku trajanja cijele sjednice Gradskog vijeća. Znači, mi ni u jednom momentu maltene nemamo tog 31 vijećnika. (vijećnik Selma Čatibušić govori bez uključenog mikrofona op.a.)

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Izvolite Selma.

**SELMA ČATIBUŠIĆ**

Pa, mislim bezveze mi je da ispravljam sekretara Gradskog vijeća, al hoću da kažem da se Omer konkretno izjasnio sam da neće glasati i vi predsjedavajuća ste u tom slučaju dužni da mu kažete koji član Poslovnika on time konkretno krši. To je u ovom slučaju član 79. Da ga opomenete u skladu sa članom, mislim da je 76, da ima dvije opomene, jer ćete u tom slučaju prekinuti sjednicu, tako da samo tražim od vas da vi prvenstveno poštuju Poslovnik.



**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Opomenula sam. U redu. Nastavljamo sa dnevnim redom.

Tačka (vijećnik Omer Berbić govori bez uključenog mikrofona op.a.)...Jesam vas opomenula da glasate i u redu je (OMER BERBIĆ – Niste. Na prošlom ste me opomenuli kada je bila dopuna dnevnog reda, ali za dnevni red me niste opomenuli. Ima na stenogramu. Vidjećemo). U redu je. Senade, jeste se vi javili? (SENAD MEHMEDINOVIĆ – Povlačim). Povlačite. Prelazimo na realizaciju dnevnog reda.

Tačka jedan:

**VIJEĆNIČKA PITANJA I INICIJATIVE**

Podsjećam vijećnike da je članom 163. Poslovnika Gradskog vijeća Tuzla – drugi prečišćeni tekst („Službeni glasnik Grada Tuzla 5/22.) propisano da se vijećnička pitanja postavljaju pismeno, a čitaju se u pravilu na početku sjednice.

Iz navedene odredbe proizilazi da se vijećnička pitanja ne mogu postavljati usmeno.

Podsjećam da jedan vijećnik na jednoj sjednici može postaviti najviše 3 vijećnička pitanja i podnijeti najviše 3 vijećničke inicijative.

Također podsjećam da tačka dnevnog reda VIJEĆNIČKA PITANJA I INICIJATIVE može trajati najduže 30 minuta.

Prelazimo na VIJEĆNIČKA PITANJA

Vijećnik SDP-a Elvir Bijedić. Izvolite.

**ELVIR BIJEDIĆ - vijećnik Socijaldemokratske partije**

Zahvaljujem dopredsjedavajuća. Pozdrav svima.

Ja imam vijećničko pitanje prema Javno Zdravstveno Nastavnoj Ustanovi Dom zdravlja „Dr. Mustafa Šehović“ u Tuzli: Da li je menadžment Doma zdravlja razmatrao mogućnost ugradnje lifta za prilaz Stomatološkoj službi koja se nalazi na drugom spratu? Ili za izmiještanje spomenute Službe u prostorije čiji prilaz bi bio bez arhitektonskih barijera za teško pokretne pacijente koji imaju potrebu korištenja stomatoloških usluga u Javno Zdravstveno Nastavnoj Ustanovi Dom zdravlja Tuzla?

Ukoliko je ova problematika već razmatarna, molim vas da mi odgovorite kad je moguće očekivati njenu realizaciju, a evo ukoliko nije, ovo se može smatrati i nekom inicijativom. Hvala.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se. Sljedeća vijećnička pitanja, vijećnik Hasib Hirkić.

**HASIB HIRKIĆ – samostalni vijećnik**

Prilažem.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se. Sljedeća vijećnička pitanja Senad Mehmedinović.

**SENAD MEHMEDINOVIĆ – vijećnik Pokreta demokratske akcije**

Prvo vijećničko pitanje javnim ustanovama i preduzećima. Da li prilikom raspisivanja javnih oglasa za zapošljavanje bodujete pripadnost boračkoj populaciji ili imaju prednost pri jednakim uslovima i jednakom broju bodova, shodno informacijama sa kojima raspolažemo, a tiče se rangiranja kandidata nakon konkursnih procedura?

Molim vas da mi dostavite informaciju da li pripadnici boračke populacije i članovi njihovih porodica imaju prednost u zapošljavanju pri jednakim uslovima i jednakom broju bodova ili dobijaju bodove?

Naime, na osnovu izmjene i dopune Zakona o dopunskim pravima boraca i članova njihovih porodica „Službene novine TK broj 9/23“ ukinuta je odrednica pri jednakim uslovima, dok se za bodovanje koristi pravilnik o jedinstvenim kriterijima i pravilima za zapošljavanje branilaca i članova njihovih porodica u institucijama TK. S tim u vezi, molim vas da mi dostavite odgovor na postavljeno pitanje.

Drugo vijećničko pitanje je Službi za geodetske i imovinsko pravne poslove: Koje parcele u Mjesnoj zajednici Simin Han su u vlasništvu Grada Tuzle?

U narednom periodu planira se realizovati kapitalni projekat izgradnje ambulante u Mjesnoj zajednici Simin Han. Obzirom da trenutna parcela na kojoj se nalazi ambulanta u Smin Hanu nije u vlasništvu Grada Tuzle, molim vas da mi dostavite informaciju koje parcele jesu i gdje se tačno nalaze?

Treće vijećničko pitanje Vodovodu i kanalizaciji: Da li se i koliko povećava pritisak u vodovodnoj mreži?

U posljednje vrijeme javilo mi se nekoliko građana koji su imali problem sa bojlerima, to jest, došlo je do unutrašnjeg oštećenja i pucanja istih. S toga, zanima me, da li se zbog konstantne gradnje u Tuzli i spajanja objekata na vodovodnu mrežu povećava pritisak u vodovodnoj mreži?

Prema informacijama koje sam dobio, prilikom mjerenja pritisak je veći od 10 bari i popuštaju sigurnosni ventili, a što rezultira oštećenjem bojlera. Iako su bojleri opremljeni sigurnosnim ventilima koji ispuštaju višak pritiska, međutim, pod stalnim pritiskom može doći do kvara, poplava i ozbiljne štete u stanovima.

Shodno navedenom, postavljam vijećničko pitanje koje glasi: Da li se i koliko povećava pritisak u vodovodnoj mreži i da li je broj pumpnih stanica dovoljan za snabdijevanje vodom čiji pritisak u cijevima ne prelazi 10 bari? Hvala.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se. Sljedeća vijećnička pitanja su vijećnik Ibeljić Anel i Ana Pejić. Prilažemo. Je li ima još neko od vijećnika da je pripremio? Vijećnik Zoran Jovanović. Izvolite.

## **ZORAN JOVANOVIĆ – samostalni vijećnik**

Hvala. Prema Službi za komunalne poslove i poslove mjesnih zajednica: Koliko se mora čekat na postavljanje sijaličnog mjesta ulične rasvjete, ako je zahtjev poslan iz mjesne zajednice prije godinu dana?

Obrazloženje: Mjesna zajednica Mramor je uputila zahtjev prema službi prije godinu dana radi postavljanja jedne sijalice ulične rasvjete u ulici Arifa Redžića, kod objekta Mehe Mahmutovića u Mramoru, a koje nije postavljeno kada je rađena ulična rasvjeta. Znači, urađeno, ostalo je jedno mjesto, uradit će se, evo godinu dana se čeka.

Drugo vijećničko pitanje upućujem Službi za komunalne poslove i poslove mjesnih zajednica Grada Tuzle: 20.12.23. godine, uputio sam vijećničko pitanje prema Javnom komunalnom preduzeću Komunalac Tuzla, da mi se dostave podaci o imenima zaposlenika koji su dobili jednokratnu novčanu pomoć na ime teške bolesti u 2022. godini. Dobio sam odgovor koji me ne zadovoljava. Mislim da je ovo opstrukcija rada Vijeća i vijećnika. Zato upućujem ovo poslaničko pitanje prema Službi za komunalne poslove koja im je nadležna služba i da putem ove službe pokušam dobiti tražene podatke, jer se radi o 420.000 ako ste pratili finansijski izvještaj Javnog komunalnog preduzeća Komunalac za 22. godinu. Tamo su dvije stavke za isplatu naknade za slučaj bolesti radnicima. Jedna je 190 hiljada. Druga 230. To su ipak sredstva i ovih građana i Javnog komunalnog preduzeća i Grada Tuzle. Mi smo osnivači ovog Javnog komunalnog preduzeća i moramo vodit računa. Glaso sam za ovu tačku da se uvrsti u dnevni red. Nismo svjesni kakve priče kruže po gradu. Mi smo odgovorni za rad ovog preduzeća. Da ne bi bilo što ne treba bit, trebali smo ovo prihvatiti i raditi po ovoj tačcu, al evo ja upućujem pismo Službi za komunalne poslove da probaju oni putem svog autoriteta i svojih nadležnosti da dobijem odgovor koliko je isplaćeno i kome? Jer priče su ružne. Imamo loše iskustvo sa Komunalcem iz prethodnih godina. Vi se sjećate makar mi stariji šta je se desilo dole. E da to ne bi se ponavljalo, tebali smo ovo uvrstiti. Nažalost nemamo sluha. Al evo, očekujem odgovor. Ako ne bude odgovora, ima i drugih načina da dođem do ovog, do svojih odgovora. Hvala.

## **ANA PEJIĆ - zamjenik predsjedavajućeg Gradskog vijeća Tuzla, -vijećnik Socijaldemokratske partije**

Zahvaljujem se. Je li ima još neko od vijećnika da je pripremio vijećnička pitanja? (OMER BERBIĆ – Ja ću priložiti). Priložićete. OK.

Prelazimo na VIJEĆNIČKE INICIJATIVE

Vijećnička inicijativa, vijećnik Elvir Bijedić. Izvolite.

## **ELVIR BIJEDIĆ**

Zahvaljujem. Ja imam vijećničku inicijativu prema Službi za komunalne poslove, izgradnju i poslove mjesnih zajednica, a tiče se sanacije puta u ulici Babice Laude.

Nakon više prijava građana iz Mjesne zajednice Kreka, a nakon već podnesene ranije inicijative za sanaciju dijela puta u ulici Babice Laude, podnosim urgenciju na spomenutu inicijativu zbog prilično oštećene putne infrastrukture, a koja otežava saobraćaj kako automobila, tako i pješaka u ovoj mjesnoj zajednici. Hvala.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se. Sljedeće vijećničke inicijative, vijećnik Hasib Hirkić. Izvolite.

**HASIB HIRKIĆ**

Pošto ih ima malo više, prilažem.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se. Sljedeća vijećnička inicijativa, vijećnik Admir Hasanbašić. Al nije u sali, tako da prilažemo. Sljedeća vijećnička inicijativa, samostalni vijećnik Omer Delalić. Izvolite.

**OMER DELALIĆ – samostalni vijećnik**

Hvala. Još 2019. sam podnio inicijativu, a sada podnosim urgenciju inicijative za izgradnju montažnih parking garaža.

Grad Tuzla već dugo vremena ima problem sa saobraćajnom mirovanju, kao i gotovo svi drugi gradovi. Često rješenje u gradovima u zemlji i okruženju je izgradnja višeetažnih parking garaža, gdje se na određenoj površini može parkirati mnogo veći broj automobila.

S tim u vezi, potrebno je sagledati mogućnost izgradnje takvih parking prostora, pogotovo na mjestima gdje je konstantno problem za parkiranje, kao na primjer kod Doma zdravlja Tuzla. Hvala.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se. Sljedeće vijećničke inicijative, vijećnik Senad Mehmedinović. Izvolite.

**SENAD MEHMEDINOVIĆ**

Kolegiju Gradskog vijeća: Prijedlog za donošenje deklaracije osudi nasilja u Gazi. Od oktobra 2023. godine, svjedoci smo bliskoistočnog vojnog sukoba usljed kojeg se nedužno civilno stanovništvo Gaze suočava sa nizom teškoća i opasnosti. Patnja koju prolazi narod Gaze ne može nikoga ostaviti ravnodušnim, a onim koji čine nepravdu, ne smiju proći nekažnjeni.

Kao akademski radnik, vijećnik i osoba koja ne podržava bilo kakav oblik nasilja, želim javno osuditi napade prema narodu koji žive u pojasu Gaze. Nedužno stradanje djece, majki i generalno stanovništva, duboko je potresna i moralno neprihvatljiva pojava koja se s aspekta međunarodnog prava može smatrati ratnim zločinom.

Prema podacima Ureda UN za kordinaciju humanitarnih poslova, u Gazi je izgubilo živote preko 26.000 stanovnika, dok je preko 65.000 objekata uništeno. Prema podacima Oxfam-a, dnevno u Gazi živote izgubi 250 palestinaca, od čega je veliki broj djece. Svjetska zdravstvena organizacija navodi da je 85% populacije Gaze raseljeno, da se veliki broj stanovnika vode kao nestali. Od 36 bolnica, 8 djelimično funkcioniše, 3 bolnice su sa ograničenim kapacitetima, dok su samo dvije bolnice potpuno funkcionalne. Od 72 doma zdravlja, samo ih je 18 funkcionalno.

Takođe, prema Uredu UN-a za kordinaciju humanitarnih poslova Izrael sprečava dostavu humanitarne pomoći u pojas Gaze. Ne dopušta isporuku niti lijekova niti goriva. Spriječene su pošiljke lijekova i goriva potrebnih za rad sistema čistih i otpadnih voda. Sve navedeno govori da narod Gaze proživljava teror. Nije zaštićen Međunarodnim humanitarnim pravom i nije osigurana sigurnost civila, posebno djece, te njihova zaštita.

Shodno navedenom, podnosim inicijativu da u skladu sa članom 99. stav 1. Poslovnikom o Gradskom vijeću, drugi prečišćeni tekst, Kolegij u saradnji sa nadležnim komisijama pripremi deklaraciju o osudi nasilja u Gazi, te istu dostavi na sljedeću sjednicu Vijeća. U prilogu dostavljam prijedlog deklaracije o osudi nasilja u Gazi.

I druga inicijativa za podjelu kanti za otpad u Mjesnu zajednicu Brčanska Malta, ulica Slavke Mičića. Obrazloženje ne bih čitao.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se. Sljedeće vijećničke inicijative, vijećnik Anel Ibeljić i Ana Pejić. Prilažemo. Je li ima još neko da je pripremio? Selma Ćatibušić. Izvolite.

**SELMA ĆATIBUŠIĆ**

Faktički, moja je urgencija na inicijativu koju sam već podnijela u okviru sad otvorenog javnog poziva, a priložit ću to opet i Komisiji za odlikovanje. To je inicijativa za dodjelu priznanja Mirzi Mustafagiću za sve eto dosadašnje humanitarne akcije, al svakako ću se ja javit opet na javni poziv, al eto tražim od te komisije, nije komisije, kako se zove (ANA PEJIĆ – Komisija za odlikovanje.)? Komisija za odlikovanje, ovaj, da jednostavno samo uzmu u obzir ono što sam već prilagala sad u okviru javnog poziva. I to je to. Hvala.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se. Je li ima još neko da je pripremio vijećničku inicijativu? (OMER BERBIĆ – Ja ću priložit). Omer Berbić prilaže vijećničku inicijativu. Završili smo s tačkom jedan dnevnog reda.

Prelazimo na tačku dva:

## **RAZMATRANJE I USVAJANJE ODLUKE O IZMJENI I DOPUNI ODLUKE O KREDITNOM ZADUŽENJU GRADA TUZLA**

Predlagač: gradonačelnik Grada Tuzle.

Obrađivači: Služba za budžet i finansije i Služba za komunalne poslove, izgradnju i poslove mjesnih zajednica.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Da li ima potrebe za uvodnim izlaganjem? Nema.

Da li ima potrebe da se pročitaju izvještaji komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Sada stavljam na izjašnjavanje ODLUKU O IZMJENI I DOPUNI ODLUKE O KREDITNOM ZADUŽENJU GRADA TUZLA i pozivam vijećnike da se izjasne.

Zaključujem glasanje.

Konstatujem da je ODLUKA O IZMJENI I DOPUNI ODLUKE O KREDITNOM ZADUŽENJU GRADA TUZLA usvojena sa,

21 glasom za, nije bilo protiv i nije bilo suzdržanih.

Prelazimo na treću tačku dnevnog reda:

### **RAZMATRANJE I USVAJANJE ODLUKE O PRISTUPANJU PRVOJ IZMJENI REGULACIONOG PLANA PROSTORNE CJELINE “SJENJAK 1” I PROSTORNE CJELINE SJENJAK 2“**

Predlagač: gradonačelnik Grada Tuzla.

Obrađivač: Služba za prostorno uređenje i zaštitu okoline i Zavod za urbanizam Tuzla.

Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Da li ima potrebe za uvodnim izlaganjem? (Ima). Ima? (Ima).

Molim samo da se obrati iz službe ako nije problem. Gospođa Jadranka Bajraktarević. Izvolite. Gordana, Gordana.

#### **GORDANA JAKOVAC– BAJREKTAREVIĆ - šef Odjeljenja za prostorno planiranje, razvoj i zaštitu okoline**

Pozdravljam sve prisutne. U proteklom periodu je urađena detaljna planska dokumentacija pod nazivom Regulacioni plan dijela prostorne cjeline Sjenjak 1 i Sjenjak 2, a obzirom da je odredbama člana 50. zakona propisano da je naj raniji rok za pokretanje inicijative za izmjenu planskog dokumenta koji iznosi dvije godine od dana stupanja na snagu detaljnog planskog dokumenta, čija se izmjena i dopuna predlaže. Inicijativu može podnijeti ministarstvo, odnosno nadležnoj gradskoj službi, koja dalje postupa po propisanoj proceduri.

Služba za prostorno uređenje Grada Tuzla je dana 24.02.2023. godine, zaprimilo inicijativu za izmjenu regulacionog plana dijela prostorne cjeline podnesenu od strane investitora, odnosno vlasnika jedne od parcela u tom dijelu Ferizović Izudina i inicijativa se odnosila na izmjenu spratnosti jednog objekta, kolektivnog stambeno poslovnog objekta u tom obuhvatu, a u međuvremenu, naravno i Služba za prostorno se obratila i Ministarstvu unutrašnjih poslova, u tom postupku radi toga što je bilo određene problematike u smislu prilaznog puta planiranom poslovnom objektu, na osnovu čega je Minsitarstvo unutrašnjih poslova zatražilo praktično pomoć u rješavanju te problematike.

Sagledavajući inicijativu, Služba za prostorno uređenje kao nosilac pripreme i Zavod za urbanizam, kao nosilac izrade ovog planskog dokumenta su procijenili da je ova inicijativa opravdana i da će se praktično pristupiti, ovaj, izradi izmjene, da bi se iznašlo rješenje i da se praktično u obzir, uobziri, odnosno da se na najbolji interes, najbolji interes svih vlasnika nekretnina, ovaj, napravi ova izmjena.

#### **ANA PEJIĆ - zamjenik predsjedavajućeg Gradskog vijeća Tuzla, -vijećnik Socijaldemokratske partije**

Zahvaljujem se.

Da li ima potrebe da se pročitaju izvještaji komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Senad Mehmedinović. Izvolite.

## **SENAD MEHMEDINOVIĆ**

Poštovana predsjedavajuća, zamjenice predsjedavajuće, kolege vijećnici, poštovani zamjeniče gradonačelnika Berbiću, ja vas sve srdačno pozdravljam.

Imam samo pitanje vezano je za nejasnoću ovdje prostorne cjeline Sjenjak 1 i Sjenjak 2. Ja iskreno na početku svog mandata nisam puno obraćao pažnju na izmjeni regulacionih planova, a vidim da je to veoma bitna stvar na naš grad Tuzlu.

Koji su razlozi za izmjenu? Znači, veoma jednostavno pitanje. Mi smo, u stvari ne znam kad je ovo usvojeno da se dobije zgrada na šest spratova i ovdje u ovom dopisu koji smo mi dobili, piše da bude povećana, a ne piše se sa koliko da bude povećana. Dakle, ovdje se radi o povećanju zgrade ako se dobro ja razumijem u ove stvari, na skromnih šest spratova. Znači, dobija se još jedna zgrada u visini na Sjenjaku, koja evo znamo kakve probleme možemo da imamo sa zgradama koje idu u visinu. Ionako živimo u smogu.

Takođe vidim da se članom 52. Odluke o provđenju prostornog plana Grada Tuzle za period 2010. – 2023. godine, kada se radi izmjena regulacionog plana ili generalno zgrada, da mora biti obezbijeđen dovoljan broj parking mjesta za te stanare koji bi živjeli i ovdje mi možemo da vidimo da se smatra da se može obezbijediti. Znači, smatrat da se može obezbijedit i obezbijedit su dva različita svijeta. Mislim da bi trebalo ovdje biti puno preciznije. Kad govorimo o ovim stvarima, mislim da mi snosimo svi ovdje odgovornost da je veoma ozbiljna stvar, onaj, kada dođe do izmjene regulacionog plana, naročito to što se diže na šest, još dodatnih šest spratova. Dakle, mene zanima koji su razlozi za izmjenu? Jel jednostavno, znači, kad je bilo ovo raspisano, tad je bilo planirano na šest spratova i vjerovatno zbog nekih razloga se nije moglo dobit više. I sad evo nakon godinu, dvije, tri određenih promjena u strukturi i službi, znači, dolazimo da se mijenjaju regulacioni planovi, da ovdje imamo regulacioni plan od šest spratova više puta tri, četiri stana, to su dodatna dvadeset četiri stana. Pošto kod nas svaki stan otprilike ima po dva auta, to je jedno četrdeset osam parking mjesta koja se trebaju obezbijedit tamo, a vidimo da odluka to obavezuje potencijalnog investitora, pa me samo zanima, dakle, koji je to razlog, il je to razlog ja podnesem, znate želim da podignem zgradu sa šest, na deset spratova i to je sasvim dovoljan razlog kao mene, kao potencijalnog investitora. Hvala.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se. Obzirom da nema više prijavljenih, zaključujem raspravu vijećnika i molim obrađivača samo da odgovori na postavljeno pitanje proisteklo iz rasprave. Selma Imamović ispred Zavoda za urbanizam.

**SELMA IMAMOVIĆ – direktor Zavoda za urbanizam**

Dobar dan, ja pozdravljam sve prisutne. Htjela bih samo dat objašnjenje gospodinu, ovaj, da svaka inicijativa mora bit razmotrena. Ovdje je prioritet da ne kažem jedan od prvih razloga zašto se pristupa odluci o pristupanju i izmjeni je to da bi se razmatrala mogućnost da objekat MUP-a koji je, odnosno Istočne policijske stanice Istok, koji je predviđen u neposrednom okruženju, odnosno to su jedina dva objekta koja su ovom odlukom planirana.

Investitor Izudin Ferizović jeste činjenica je tražio povećanje od šest spratova i ta njegova inicijativa je u toku prošle godine odbijena od strane i službe i Zavoda za urbanizam,

da bi zatim gospodin Ferizović podnio novu inicijativu gdje je zatražio povećanje spratnosti na devet etaža. Priložio je idejni projekat kojim je pokazao da u potpunosti u dvije podzemne etaže uz nalaz tima geologa može obezbijediti dovoljan broj parking mjesta.

Međutim, objekat MUP-a koji je istočno od lokacije od gospodina Ferizovića, može pristupit saobraćajno jedino preko parcele koja pripada gospodinu Ferizoviću. Znači, dok se ne izvede objekat gospodina Ferizovića, MUP u ovom momentu nema mogućnost nikakvog saobraćajnog pristupa i kao što su nam obrazložili, policijska stanica mora imat mogućnost brzog izlaska saobraćaja, vozila u stvari na pravu lokaciju i položaj koji je uz planirani kružni tok je vrlo nepovoljan za MUP.

Zato se na jednom sastanku na kojem su bili pozvani i gospodin Ferizović i predstavnici MUP-a TK-a dogovorila da se proba iznać druga lokacija u stvari za Policijsku stanicu Istok, da bi Federalni MUP to zamijenio sa Gradom i na tom mjestu bi u stvari bila predviđena jedna zelena površina, znači, tog objekta MUP-a koji postoji u sadašnjem važećem regulacionom planu ne bi ni bilo, ukoliko se iznađe lokacija za novu Policijsku stanicu Istok.

Da bismo mogli uopšte pristupit bilo kakvom razmšljanju i kombinacijama iznalaženju druge parcele ili bilo šta, mi jednostavno trebamo napravit odluku o pristupanju i izradi tog plana koji ide u kompletnu proceduru. Znači, to nije skraćeni postupak. Ovaj plan ide u normalan postupak gdje se podrazumijeva izrada nacrt, javni uvid, javna rasprava i zatim izrada prijedloga i usvajanje na Vijeću. Rok za to je godinu dana, tako da mi ove aktivnosti ne možemo sprovodit ukoliko nemamo inicijative da ih pokušamo sprovodit, što ne znači da će bit unesene u nacrt.

**ANA PEJIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem se na odgovoru.

Sada stavljam na izjašnjavanje ODLUKU O PRISTUPANJU PRVOJ IZMJENI REGULACIONOG PLANA PROSTORNE CJELINE "SJENJAK 1" I PROSTORNE CJELINE SJENJAK 2 " i pozivam vijećnike da glasaju.

Glasanje je okončano.

Konstatujem da je ODLUKA O PRISTUPANJU PRVOJ IZMJENI REGULACIONOG PLANA PROSTORNE CJELINE "SJENJAK 1" I PROSTORNE CJELINE SJENJAK 2 " usvojena sa,

18 glasova za, nije bilo protiv i 2 suzdržana.

Prelazimo na četvrtu tačku Dnevnog reda:

**RAZMATRANJE I USVAJANJE RJEŠENJA O IMENOVANJU ČLANOVA I ZAMJENIKA ČLANOVA DRUGOSTEPENOG UPRAVNOG VIJEĆA**

Predlagač je gradonačelnik Grada Tuzla.

Obrađivač: Stručna služba Gradskog vijeća.

Materijal su razmatrali: Komisija za statutarna pitanja i propise, Komisija za izbor i imenovanja i klubovi vijećnika.

Da li ima potrebe za uvodnim izlaganjem? Nema.

Da li ima potrebe da se pročitaju izvještaji Komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.



Sada stavljam na izjašnjavanje RJEŠENJE O IMENOVANJU ČLANOVA I ZAMJENIKA ČLANOVA DRUGOSTEPENOG UPRAVNOG VIJEĆA i pozivam vijećnike da glasaju. Glasanje je okončano.

Konstatujem da je RJEŠENJE O IMENOVANJU ČLANOVA I ZAMJENIKA ČLANOVA DRUGOSTEPENOG UPRAVNOG VIJEĆA usvojeno sa, 20 glasova za, nije bilo protiv i nije bilo suzdržanih.

Prelazimo na petu tačku Dnevnog reda:

**RAZMATRANJE I USVAJANJE POD:**

**a) ODLUKE O RAZRJEŠENJU ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA, POD**

**b) ODLUKE O RASPISIVANJU JAVNOG OGLASA, POSTUPKU I UTVRĐIVANJU USLOVA I KRITERIJA ZA IMENOVANJE ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA (sa tekstom Javnog oglasa) POD**

**c) RJEŠENJE O IMENOVANJU KOMISIJE ZA PROVOĐENJE JAVNOG OGLASA ZA IMENOVANJE ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA**

Predlagač je gradonačelnik Grada Tuzla.

Obrađivač: Stručna služba Gradskog vijeća.

Materijal su razmatrali: Komisija za statutarna pitanja i propise, Komisija za izbor i imenovanja i klubovi vijećnika.

Da li ima potrebe za uvodnim izlaganjem? (Nema.) Nema.

Da li ima potrebe da se pročitaju izvještaji Komisija? (Nema.) Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje...Možemol u paketu glasat za sve ove tačke? (Može.) Može.

Stavljam na izjašnjave znači, sve tačke. Glasanje je okončano.

Konstatujem da su navedene odluke i rješenje...(SLAĐANA KRAJINA – Moraš pročitati zbog stenograma.) Moramo?

Navedene odluke, ODLUKA O RAZRJEŠENJU ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA,

ODLUKA O RASPISIVANJU JAVNOG OGLASA, POSTUPKU I UTVRĐIVANJU USLOVA I KRITERIJA ZA IMENOVANJE ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA (sa tekstom Javnog oglasa) I

RJEŠENJE O IMENOVANJU KOMISIJE ZA PROVOĐENJE JAVNOG OGLASA ZA IMENOVANJE ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA usvojeni sa,

20 glasova za, nije bilo protiv i nije bilo suzdržanih.

Prelazimo na tačku šest:

**RAZMATRANJE I USVAJANJE ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM UDRUŽENJE GRAĐANA „TUZLANSKI AKADEMSKI KLUB“**

Predlagač: gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem? (Nema.) Nema.

Da li ima potrebe da se pročitaju izvještaji Komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Omer Berbić. Izvolite.

**OMER BERBIĆ**

Evo meni je drago da Grad Tuzla dobija jednu vrstu ovako značajne ja moram reći ideje jer to još uvijek je u fazi ideje, razrade itd. i nadam se da će dugo godina ostati ovo kao jedna ozbiljna institucija pošto ljudi koji tu sjede zaista zaslužuju svaku, svaku pohvalu i to je jedan skup tuzlanskih intelektualaca koji se bore za, za bolje sutra i grad, a bez ikakve, ikakve finansijske ili neke druge vrste koristi. Tako da jako mi je drago da evo dajemo ovu, ovu vrstu mogućnosti i bilo bi mi drago kada bi evo recimo Kolegiji Gradskog vijeća te ljude pozvao ovaj na jedan od Kolegija ili na jedno Gradsko vijeće da nam obrazlože ideju sa kojom, sa kojom oni osnivaju ovaj akademski klub, jer mislim da je značajno i za Gradsko vijeće a i za grad u cjelini. Tako da evo ovo može, a i ne mora ići kao zaključak. Može samo evo da to bude sugestija na idućem Kolegiju da se ovi ljudi pozovu ili na Gradsko vijeće ili, ili na Kolegij da nam obrazlože ideju i da nam kažu svoje vizije, vizije rada pošto je ovo koliko sam ja shvatio neka vrsta osnivanja akademske zajednice u Tuzli koja će se isključivo boriti za interese Tuzle i građane Tuzlanskog kantona. Hvala ljepo.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem. S obzirom da nema više prijavljenih za raspravu. (SENAD MEHMEDINOVIĆ - Ima, ima.) Ima? Ja se izvinjavam nisam vidjela. Nikice izvini. (SENAD MEHMEDINOVIĆ – Predsjednik moj.) Izvolite. Nikica Vidović.

**NIKICA VIDOVIĆ – vijećnik Hrvatske demokratske zajednice**

Eh hvala. Ma ja bi samo kratki komentar. Onako zanimljiv fenomen, nije ni osnovana udruženje nije ni počelo raditi a dobilo prostor od Grada. To u svakom slučaju pohvaljujem. S tim da ima ja mislim lista čekanja od 30 sigurno subjekata raznoraznih udruga i toga jel čekaju prostor, tako da pohvaljujem ovaj br-zinu djelovanje. Hvala.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem se. Jel ima još neko za raspravu? Nema.

Obzirom da nema više prijavljenih vijećnika za raspravu.

Zaključujem raspravu vijećnika i sada stavljam na izjašnjavanje ODLUKU O DODJELI U ZAKUP POSLOVNIH PROSTORIJA NEPOSREDNOM POGODBOM UDRUŽENJE GRAĐANA „TUZLANSKI AKADEMSKI KLUB“ i pozivam vijećnike da glasaju. Glasanje je okončano.

Konstatujem da je ODLUKA O DODJELI U ZAKUP POSLOVNIH PROSTORIJA NEPOSREDNOM POGODBOM UDRUŽENJE GRAĐANA „TUZLANSKI AKADEMSKI KLUB“ usvojena sa,

20 glasova za, nije bilo protiv i nije bilo suzdržanih i dajem pauzu od 30 minuta. (Pauza.)

Prelazimo na tačku broj sedam:

**RAZMATRANJE I USVAJANJE ODLUKE O IZMJENI ODLUKE O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA POBOLJŠANJA ENERGIJSKE EFIKASNOSTI I SMANJENJA AEROZAGAĐENJA NA PODRUČJU GRADA TUZLE**

Predlagač: gradonačelnik Grada Tuzla.

Obrađivač: Služba za komunalne poslove, izgradnju i poslove mjesnih zajednica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica i klubovi vijećnika.

Da li ima potrebe za uvodnim izlaganjem? (Nema.) Nema.

Da li ima potrebe da se pročitaju izvještaji Komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Sada stavljam na izjašnjavanje ODLUKU O IZMJENI ODLUKE O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA POBOLJŠANJA ENERGIJSKE EFIKASNOSTI I SMANJENJA AEROZAGAĐENJA NA PODRUČJU GRADA TUZLE i pozivam vijećnike da glasaju. Glasanje je okončano.

Konstatujem da je ODLUKA O IZMJENI ODLUKE O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA POBOLJŠANJA ENERGIJSKE EFIKASNOSTI I SMANJENJA AEROZAGAĐENJA NA PODRUČJU GRADA TUZLE usvojena sa,

18 glasova za, nije bilo protiv i nije bilo suzdržanih.

Prelazimo na tačku broj osam:

**RAZMATRANJE I USVAJANJE ODLUKE O PRISTUPANJU IZRADI PLANA UPRAVLJANJA IMOVINOM GRADA TUZLA ZA PERIOD OD 2024. DO 2027. GODINE**

Predlagač je gradonačelnik Grada Tuzla.

Obrađivač: Služba za geodetske i imovinsko – pravne poslove.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji Komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Sada stavljam na izjašnjavaње ODLUKU O PRISTUPANJU IZRADI PLANA UPRAVLJANJA IMOVINOM GRADA TUZLA ZA PERIOD OD 2024. DO 2027. GODINE te molim vijećnike da glasaju. Glasanje je okončano.

Konstatujem da je ODLUKA O PRISTUPANJU IZRADI PLANA UPRAVLJANJA IMOVINOM GRADA TUZLA ZA PERIOD OD 2024. DO 2027. GODINE usvojena sa, 19 glasova za, nije bilo protiv i nije bilo suzdržanih.

Prelazimo na tačku broj devet:

### **RAZMATRANJE I USVAJANJE IMOVINSKO PRAVNIH AKATA POD:**

#### **a) Odluka o utvrđivanju javnog interesa za postavljanje priključnog 1kV voda za SO 015 i SPO 012A u naselju Slatina u gradu Tuzli**

Predlagač: gradonačelnik Grada Tuzla.

Obrađivač: Služba za geodetske i imovinsko – pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštite okoline i klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji Komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Sada stavljam na izjašnjavaње IMOVINSKO-PRAVNI AKT:

Odluka o utvrđivanju javnog interesa za postavljanje priključnog 1kV voda za SO 015 i SPO 012A u naselju Slatina u gradu Tuzla i pozivam vijećnike da glasaju. Glasanje je okončano.

Konstatujem da je IMOVINSKO-PRAVNI AKT:

Odluka o utvrđivanju javnog interesa za postavljanje priključnog 1kV voda za SO 015 i SPO 012A u naselju Slatina u gradu Tuzli usvojena sa,

21 glasom za, nije bilo protiv i nije bilo suzdržanih.

Prelazimo na tačku broj deset:

### **RAZMATRANJE I USVAJANJE GENDER AKCIONOG PLANA GRADA TUZLE ZA PERIOD OD 2024. DO 2027. GODINE**

Predlagač je gradonačelnik Grada Tuzla.

Obrađivač: Radna grupa za izradu Gender akcionog plana Grada Tuzle za period od 2024. do 2027. godine.

Materijal su razmatrali: Komisija za jednakopravnost spolova i klubovi vijećnika.

Da li ima potrebe za uvodnim izlaganjem? (Ima.)

Molim samo predstavnika Službe Asju Redžić da obrati se.

## **ASJA REDŽIĆ - pomoćnik gradonačelnika za Službu za kulturu, sport, mlade i socijalnu zaštitu**

Poštovani predsjedavajuća, zamjenice predsjedavajući, poštovani i poštovane vijećnice i vijećnici Gender akcioni plan Grada Tuzle 2024.- dvadesetsedma rađen je u skladu sa Zakonom o ravnopravnosti spolova Bosne i Hercegovine, Gender akcionim planom Bosne i Hercegovine 2023. – dvadesetsedma, Gender akcionim planom Tuzlanskog kantona. Dobili smo pozitivno mišljenje i saglasnost Gender centra Federacije...(ANA PEJIĆ – Može malo tišine samo ako nije problem? Izvinjavam se.) Dakle, dobili...E hvala. Dobili smo pozitivno mišljenje i saglasnost Gender centra Federacije Bosne i Hercegovine što je preduslov da ovaj akcioni plan bude validan. Gradonačelnik Zijad Lugavić je 2023. godine donio Odluku o pristupanju izrade Gender akcionog plana. Ovaj proces same izrade Gender akcionog plana je u okviru projekta Evropska unija za ljudska prava i protiv diskriminacije u Bosni i Hercegovini u okviru IPA II predpristupne podrške Evropske unije Bosni i Hercegovini kojeg implementiraju Ministarstvo civilnih poslova Bosne i Hercegovine, Gender centar Federacije i Gender centar republike, Republike srpske. Dakle, ovaj Gender akcioni plan ima tri, tri cilja a to je: Unapređenje rodne ravnopravnosti na lokalnom nivou, jačanje institucionalnih kapaciteta rodne ravnopravnosti, Gradske uprave, Komisija Gradskog vijeća, rodno odgovorno budžetiranje. Rodno odgovorno budžetiranje već rade dvije Službe Grada Tuzle. Služba za kulturu, sport, mlade i socijalnu zaštitu, Služba za ekonomski razvoj, poduzetništvo i poljoprivredu. Na osnovu podataka koje imamo nakon rodno odgovornog budžetiranja možemo da planiramo u budžetu da vidimo da li su korisnici Budžeta Grada Tuzle ravnopravno...dječaci i djevojčice, muškarci i žene ravnopravni korisnici budžeta, Budžeta Grada Tuzle. To je ovako ukratko kad je u pitanju ovaj, ovaj akcioni plan. Naravno formirana je i radna grupa za izradu akcionog plana. Tu je kolegica iz Komisije za ravnopravnost spolova Rusejla Halilović koja je inače članica radne grupe za izradu Gender akcionog plana. Ukoliko ima nekih pitanja ja vam stojim na raspolaganju. Mislim da su, mislim da su re-a-lna, realno zacrtani ciljevi u ovom akcinom planu, nešto što mi stvarno možemo realno da ostvarimo i nešto što mi kao Gradska uprava već i radimo. Eto. Hvala vam.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem se. Da li ima potrebe da se pročitaju izvještaji Komisija? (Nema.) Nema.

Otvaram raspravu klubova vijećnika. Vijećnica Selma Čatibušić ispred Kluba Platforma za progres. Neka se pripremi vijećnica Sabiha Mujkanović.

**SELMA ČATIBUŠIĆ**

Pa evo ovako. Još jednom dobar dan svima. Vrlo ću, vrlo ću kratko. Želim da se osvrnem na ovu tačku Dnevnog reda. obzirom da je Gender akcioni plan svakako nešto za šta sam se zalagala od prve godine mandata sigurno, jer sam u stalnoj komunikaciji i saradnji sa udruženjima nevladinog sektora koji se bave upravo pitanjem Gender ravnopravnosti. Sa druge strane želim da pohvalim u tom slučaju eto i rad Službe i smatram da smo svakako napravili jedan korak naprijed kada je u pitanju usvajanje eto i sad nadam se Gender akcionog plana koji će također se nadam svakako imati svoju implementaciju na pravi način i da to naravno neće biti samo ovaj komad papira i vjerujem da će se tako zaista i postupati i nadam se. S druge strane smatram da Akcioni plan za Rome, Akcioni plan za djecu i slični akcioni planovi predstavljaju nekako iskorak u radu kako Gradskih službi našeg grada, tako i našeg grada u globalu, jer smatram da baveći se marginaliziranim grupama i konkretno prvenstveno i djeci u

riziku i tako ovaj i sličnim kategorijama, svakako Tuzla na taj način pokazuje da je spremna i za povećanje tog nivoa inkluzivnosti i nekim, nekom napretku. Tako da, eto još jednom, ovaj, drago mi je što prije kraja mog mandata će se usvojiti jel jedan Gender akcioni plan. Nadam se da će se implementirati u najvećem mogućem obimu i nadam se da ćemo nastaviti eto ovim, ovim nekako putem. Tako da Klub vijećnica Platforme za progres svakako stoji iza ove tačke Dnevnog reda. Hvala.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem se. Sljedeća za riječ se javila vijećnica Sabiha Mujkanović Mujačić ispred Kluba samostalnih vijećnika.

**SABIHA MUJKANović MUJAČIĆ – samostalni vijećnik**

Zahvaljujem. Pozdravljam sve prisutne s obzirom da se prvi put danas javljam za riječ naprosto nisam mogla propustiti ovu tačku Dnevnog reda a mislim da, da sam jedna od osoba koja je ovo i pokrenula još u prošlom mandatu i evo izuzetna čast mi je što danas pred sobom imamo ovaj dokument. Slažem se sa kolegicom Selmom u dijelu u kojem kaže da svi ovi neki akcioni planovi koje imamo zaista su za pohvalu ovaj posebno. Znači, na žalost morali smo čekati jedan duži vremenski period na ovaj Gender akcioni plan Grada Tuzle, al zato pred sobom imamo izrazito va-žan što se mene tiče i izrazito kvali-te-tno urađen dokument. Ono u čemu se slažem sa gospođicom Asjom Redžić jeste, evo sebi sam ovdje podvukla da su ciljevi ostvarivi. Mi smo prošli put imali zaista dobar Gender akcioni plan ali dobar na papiru. Nije bio toliko ostvariv i na žalost imali smo na kraju problem koji smo imali. Znači, ja dobrim akcionim planom smatram nešto što je ostvarivo u, u velikom procentu. Mi prošli put ne znam, nismo ja mislim 20% ciljeva koje smo postavili ostvarili. Ovaj put su zaista ostvarivi ci-lje-vi. Smatram naročito važnim naglasiti važnost uključivanja nevladinih udruženja i znam da je to urađeno. Ono što je svakako za pohvalu jeste Komisija za jednakopravnost spolova i članovi koji su zaista u ogromnoj mjeri doprinijeli ovoj realizaciji. I to znam zato što sam i sama bila članica te Komisije do prošle godine, a bila sam i članica radne grupe za izradu Gender akcinog plana dok nisam istupila iz Komisije i ne sumnjam da je kolegica Rusejla odli-čno odradila svoj dio posla. Ono što svakako smatram...Kolega Hasibe...Kolegica Rusejla je bila član radne grupe je li tako? Znači, ne sumnjam da je odlično odradila svoj posao. Ono što ja smatram jeste možda neka preporuka, nije čak ni zaključak. Samo da, da je obavezno to neko periodično izvještavanje nakon usvajanja ovog Gender akcinog pla-na i možda čak objavljivanje i na web stranicama čisto da bismo posebnu važnost da-li Komisiji za jednakopravnost spolova i onome što ona radi da to nekako ne ostaje u sjeni. Ono što svakako smatram da najviše treba poraditi jeste da smatram da i da-nas ljudi čak i visokoobrazovani nisu dovoljno upoznati sa pojmom rodne ravnopravnosti i slabo je razvijena svijest o korištenju vlastitih prava kako muškaraca, naročito žena, ali i osoba drugačijih rodnih identiteta. Svakako sve pohvale i čestitam na Gender akcinom planu Grada Tuzle. Zahvaljujem.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem se. Sljedeći za riječ se javio vijećnik Senad Mehmedinović ispred zajedničkog Kluba. Neka se pripremi vijećnik Nedžad Jusić ispred Kluba nacionalnih manjina.

## **SENAD MEHMEDINOVIĆ**

Hvala najljepša. Ma ništa ja sam imam obavezu da se javim prije svega da po-hvalim ovaj Gender akcioni plan Grada Tuzle koji je veoma profesionalno urađen sa ja-snim definisanim ciljevima i naročito što mi se sviđa tamo je ova tzv. matrica logičkog radnog okvira. Dakle, ko je radio u izradi ovog Gender akcionog plana Grada Tuzle, a i mislim i prošli plan koji smo imali zaista može da posluži kao urnek bilo kojim, nekim sljedećim dokumentima koji bi se bavili različitim pitanjima. Dakle, čestitke na ja-snom i struktuiranom dokumentu. Tekst je vrlo precizan, informativan, edukativan i što bi posebno naglasio sa jasnim indikatorima po različitim područjima koja su obuhvaćena Gender akcionim planom. Sam izgled sa strukturom je profesionalno urađen, tako da čestitam definitivno svima koji su radili na dokumentu, al mislim da se i sa ovom vrstom dokumenata postavljaju visoki standardi sami toj grupi koji su učestvovali u pisanju ovog Gender akcinog plana i svih ubuduće koji se budu bavili pisanjem bilo kakvih drugih akcionih planova.

Ja se moram malo ostvrnuti ovdje na neke podatke koji su meni veoma interesantni, a to je prije svega u omjeru koji se odnosi vam na rodno odgovorno budžetiranje koje ni-je obavezujuće na nivou Grada Tuzle, al evo nekako se poklopilo da vam ovi svi grantovi koji su dodjeljivani da je otprilike srazmjern taj procenat organizacija koje vode pripadnice ženskog spola i muškog koji su dobili Grant projekte. Npr. od ukupno 179 urednih prijava na osnovu kojih su dodjeljena sredstva 99 prijava je muškog spola a 80 prijava je oso-ba ženskog spola i ovo se misli na proje-kat si-gu-ran start koji naravno treba da se pohvali, tj. gdje vidimo da pripadnice ženskog spola se isto bave sa različitim djelatnostima, imaju privredna društva itd.

Kada je u pitanju obrazovanje takođe može se vidjeti da ne postoji veliki dizbalans tamo u osnovnom predškolskom obrazovanju i kasnije srednjem obrazovanju, al ono što je evo i naravno pohvalno i ovdje kada se tiče prosjeka ocjena na, tokom studija da vidimo da u stvari tu studentice dominiraju, odnosno da mi muški izgleda slabije učimo. Tako da je ovo za svaku pohvalu i drago mi je da te informacije da su dostupne, da se mogu pročitati.

Ali ono što me zabrinjava i mislim da se mo-ra konstantno raditi i na medijskoj kampanji, pojačati tu medijsku kampanju a to je nasilje nad ženama i nasilje u porodici. Zaista sma-tram da u me-dijskom prostoru se mora više pričati o ovim stvarima da se osnaže že-ne kako bi prijavile bi-lo kakav oblik nasilja jer niko ne smije da trpi onog koji to nanosi. I gledajte sad oblici nasilja prema spolnoj strukturi: Fizičko nasilje 110 žene, emocionalno nasilje 102, seksualno nasilje 5, drugi oblici nasilja 7 ko-ji su prijavljeni. Znači, koji su prijavljeni, koji su evidentirani i ja vjerujem da je puno veći broj onih koji ni-su evidentirani i može evo prijedlog, ne mora to biti zaključak, ali da se više uključe servi-si dakle, medijska ta kampanja gdje će se skretati pažnja pripadnicama ženskog spola da prijavljuju bilo kakve oblike nasilja.

Dakle, generalno ocjena 5 za ovaj Gender akcioni plan Grada Tuzle. Čestitam cijeloj ekipi koja je učestvovala u pisanju istog i zaista su nam onaj dali jedan kvalitetan dokument koji je i informativan, edukativan i koji može poslužiti za dalji rad. Hvala ljepo.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem se. Sljedeći za riječ se javio vijećnik Nedžad Jusić. Izvolite.

**NEDŽAD JUSIĆ – nezavisni vijećnik iz reda  
nacionalnih manjina**

E hvala. Poštovana predsjedavajuća, kolege i kolegice želim da vas pozdravim i nemam ja možda mnogo toga ni reći nakon prijašnjih diskutanata, pogotovo kolega Senad je dosta oko

toga rekao, ali moje pohvale sve prvenstveno Službi koja je smogla snage na kraj krajeva da ovako kvalitetno uradi Gender akcioni plan Grada Tuzle za period 2024. do 2027. i evo i ja jednostavno sam tog mišljenja da se ove aktivnosti mogu ovaj sprovesti u djelo i da imamo rezultate, odnosno ciljeve da postignemo koji smo postigli i odnosno postavili u ovom Gender akcionom planu.

Ja ću se takođe nakratko osvrnuti i na rodno odgovornu analizu Budžeta Grada Tuzle. Između ostalog evo vidimo ovdje ima tabela na dvanestoj stranici gdje između ostalog određeni grantovi koji su dati neprofitnim organizacijama govore u stvari koliko je koristi imalo žena, odnosno muškraca i mogu da budem ponosan između ostalog na grantove koji su dobiveni i za realizaciju akcionog plana za Rome. Više je žena imalo koristi nego samih muškaraca i što je i dobro. Ja na tome na kraj krajeva, ovaj, i potičem da trebamo ovaj dati i priliku i šansu svima pogotovo onima ugroženi-ji-ma, a u ovom slučaju su to žene. Gledam i druge nacionalne manjine takođe veliki je procenat, 48% su žene a 52 muškarce, evo jedino ima više ja mislim Grantovi projekta za mlade gdje su 57 žene, a 43 muškarci, da su imali direktnu ili indirektnu korist od ovih grantova i to treba tako i nastaviti i moja poruka na kraj krajeva i svim organizacijama, udruženjima za naredni period da se što više sredstava, odnosno aktivnosti realizuju kako bi ojačali pripadnice nježnijeg spola, odnosno žene u narednom periodu.

Takođe želim napomenuti i vidio sam jedan podatak, al to se podatak posle sam vidio odnosi za teritoriju Bosne i Hercegovine gdje stoji da je oko 80% romskih djevojčica van školskog sistema. Mislim da mi u Tuzli se možemo pohvaliti prvenstveno evo i ja pošto sam uključen u svemu tome, da mi preko 90% imamo romskih djevojčica koji su školskog uzrasta da pohađaju osnovnu, srednju il su upisali fakultet i siguran sam u tome jer tu imamo zvanične podatke jel smo mi i radili na tim projektima i evo na kraj krajeva, ovaj, i trenutno radimo na tome, dodjeljujemo stipendije svim učenicima, po-sebno djevojčicama koje pohađaju srednje škole. Evo u toku je Javni poziv pa ću ovo iskoristit malo priliku, ovaj, i da pozovem sve učenice i učenike romske nacionalne manjine koji pohađaju srednje škole na području Grada Tuzle i Tuzlanskog kantona da nam se jave jel imamo stipendije za njija kao i za sve studentice i studente sa čitave teritorije Bosne i Hercegovine romske nacionalne manjine i za njija takođe imamo, ovaj i stipendije. Evo i odgovorno tvrdim da će prednost imati i ako će ja se nadam svi dobiti, al da će prednost imati djevojčice da dobiju ove stipendije.

Zbog toga je vrlo važno na kraj krajeva da mi kao Grad Tuzla dajemo maksimum od sebe svi zajedno. Govorim svi zajedno. Da pomognemo svima onima kojima je potrebna pomoć jel svaka specifična grupa imaju specifične potrebe i zbog toga mi smo tu kao Grad Tuzla da pomognemo tim grupama da se osjećaju ravnopravni građani ovog grada. Hvala.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem se. Obzirom da nema više prijavljenih ispred...

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjanje GENDER AKCIONI PLAN GRADA TUZLE ZA PERIOD OD 2024. DO 2027. GODINE i pozivam vijećnike da glasaju. Glasanje je okončano.

Konstatujem da je GENDER AKCIONI PLAN GRADA TUZLE ZA PERIOD OD 2024. DO 2027. GODINE usvojen sa,

21 glasom za, nije bilo protiv i nije bilo suzdržanih.



Sada pozivam gospođu Rusejlu Halilović članicu Komisije za ravnopravnost spolova i članica radne grupe za izradu Gender akcionog plana dvadesetčetvrti i dvadesetsedma godina da nam se kratko obrati obzirom da je zamolila ranije.

**RUSEJLA HALILOVIĆ - članica Komisije za ravnopravnost spolova  
Gradskog vijeća Tuzla**

Za mene je ovo epohalan dan. Dobar dan i hvala vam na ukazanoj prilici da se obratim u svoje ime i u ime Komisije za ravnopravnost spolova čija sam članica ispred Kluba samostalnih vijećnika. Hvala vam na usvajanju od strateško bitnog dokumenta kojeg Grad Tuzla nije imala od 2014. godine. Za mene je ovo ponavljam epohalan dan nakon 10 godina i smatram da Grad Tuzla kao administrativni centar Tuzlanskog kantona treba da ima ovaj dokument iz oblasti koji sadrži strateške ciljeve, programe i mjere za ostvarivanje ravnopravnosti spolova u svim oblastima društvenog života i rada.

Mi kao Komisija smo od početka mandata zauzeli stav da ćemo se izboriti da Tuzla u konačnici dobije Gender akcioni plan. Želim se na početku zahvaliti predsjedavajućoj Gradskog vijeća gospođi Nataši Perić na nesebičnoj podršci. Veliko hvala i našem gradonačelniku gospodinu Lugaviću koji je prije tačno godinu dana na sastanku kojem sam ja prisustvovala rekao Tuzla će dobiti GAP. Hvala mojim koleginicama i kolegama iz radne grupe koji je oformio gradonačelnik Lugavić za izradu Gender akcionog plana Grada Tuzle gdje smo radili zajedno na usaglašavanju za izradu ovog Gendera sa Gender centrom Vlade Federacije i veliko hvala vama poštovane vijećnice i vijećnici na usvajanju ovog jako bitnog dokumenta za Grad Tuzlu. Hvala još jednom.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem se.

Prelazimo na tačku jedanaest:

**RAZMATRANJE I USVAJANJE PRAVILNIKA O IZMJENAMA I  
DOPUNAMA PRAVILNIKA O KRITERIJIMA I POSTUPKU ZA OSTVARIVANJE  
PRAVA NA SOCIJALNE JEDNOKRATNE NOVČANE POMOĆI IZ BUDŽETA  
GRADA TUZLE**

Predlagač je gradonačelnik Grada Tuzla.

Obrađivač: Služba za kulturu, sport, mlade i socijalnu zaštitu.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Da li ima potrebe za uvodnim izlaganjem? (Ne.)

Da li ima potrebe da se pročitaju izvještaji Komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Sada stavljam na izjašnjavanje PRAVILNIK O IZMJENAMA I DOPUNAMA PRAVILNIKA O KRITERIJIMA I POSTUPKU ZA OSTVARIVANJE PRAVA NA SOCIJALNE JEDNOKRATNE NOVČANE POMOĆI IZ BUDŽETA GRADA TUZLE i pozivam vijećnike da glasaju. Glasanje je okončano

Konstatujem da je PRAVILNIK O IZMJENAMA I DOPUNAMA PRAVILNIKA O KRITERIJIMA I POSTUPKU ZA OSTVARIVANJE PRAVA NA SOCIJALNE JEDNOKRATNE NOVČANE POMOĆI IZ BUDŽETA GRADA TUZLE usvojen sa, 20 glasova za, nije bilo protiv i nije bilo suzdržanih.

Prelazimo na tačku broj dvanaest:

**RAZMATRANJE I USVAJANJE PRAVILNIKA O IZMJENAMA PRAVILNIKA O NAČINU KORIŠTENJA, REDU I RADU NA TAKSI STAJALIŠTIMA I KRITERIJIMA ZA DODJELU TAKSI STAJALIŠTA**

Predlagač je gradonačelnik Grada Tuzla.

Obrađivač: Služba za komunalne poslove, izgradnju i poslove mjesnih zajednica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za komunalne poslove i pitanja mjesnih zajednica i klubovi vijećnika.

Da li ima potrebe za uvodnim izlaganjem? Može kratko izlaganje. Služba...Ispred Službe za komunalne poslove ako može? Šef Službe Miralem Mulać evo samo...Evo sekunda sad ćete dobit.

**MIRALEM MULAĆ - pomoćnik gradonačelnika  
za Službu za komunalne poslove,  
izgradnju i poslove mjesnih zajednica**

Evo ja vas sve srdačno...(NATAŠA PERIĆ – Molim tišine.) sve vas srdačno pozdravljam. Evo da kažem vezano za ovu dopunu Pravilnika. Uglavnom je ona vezana, pošto Služba za komunalne poslove raspisuje i Javni poziv vezano za taksi stajališta mi sa ovom dopunom u stvari po službenoj dužnosti ćemo pribavljati potrebna dokumenta vezano za PBA obrazce. To je slično ovoj bilo odluci prethodnoj vezano za... koja je već evo i usvojena.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem se. Da li ima potrebe da se pročitaju izvještaji Komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Nedžad Jusić. Izvolite.

**NEDŽAD JUSIĆ**

Ma ja bi samo možda jedno pitanje jel ja nisam dovoljno moram biti iskren. Možda nisam dovoljno, ovaj, čitko pročitao ove izmjene. Jel se mijenja takođe način bodovanja po članu domaćinstva aplikanta? (MIRALEM MULAĆ – Ne ovo je samo...) Ako, jel ima stoji... (ANA PEJIĆ – Samo malo nek završi pitanje pa ćete...) Ja se izvinjavam. Jel u prvobitnoj odluci stoji da ako se...Ja, ja ću sad pokušati, ovaj, sa svojim riječima. Da na svaki član domaćinstva, odnosno podnosilac dobija 4 boda, odnosno dodatnih 5 bodova ukoliko svi ne rade. Ukupno 25 bodova. A mislim s ovom odlukom sada da smanjujemo da će se to po članu domaćinstva 3 boda, maksimum 20. Sad ja ne znam da li imam ispravnu odluku? Samo da vidimo imal gdje kompletan prečišćeni tekst ovog načina bodovanja možda da bi ljudima lakše bilo i da prate između ostalog? Hvala.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem se. Obzirom da nema više prijavljenih.

Zaključujem raspravu vijećnika i molim gospodina Miralema da odgovori na pitanja ako nije problem?

**MIRALEM MULAĆ - pomoćnik gradonačelnika  
za Službu za komunalne poslove,  
izgradnju i poslove mjesnih zajednica**

Znači, ovdje je samo u ovoj izmjeni namjerno stavljen član 1 kompletan sa svim ovim stavkama razdvojenim i dopunjena je ovo baš iz tih razloga da je vidljivo da je samo dopuna vezano, vezano za pribavljanje PBA obrazca prema evo po službenoj dužnosti (NEDŽAD JUSIĆ – Okej.) jer ćemo imati ovo od IDEE pristup svim tim potrebnim dokumentima.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Zahvaljujem se.

Sada stavljam na izjašnjavaње PRAVILNIK O IZMJENAMA PRAVILNIKA O NAČINU KORIŠTENJA, REDU I RADU NA TAKSI STAJALIŠTIMA I KRITERIJIMA ZA DODJELU TAKSI STAJALIŠTA te pozivam vijećnike da glasaju. Glasanje je okončano.

Konstatujem da je PRAVILNIK O IZMJENAMA PRAVILNIKA O NAČINU KORIŠTENJA, REDU I RADU NA TAKSI STAJALIŠTIMA I KRITERIJIMA ZA DODJELU TAKSI STAJALIŠTA usvojen sa,

20 glasova za, nije bilo protiv i nije bilo suzdržanih.

Prelazimo na tačku trinaest:

**RASPRAVA O GRADANSKOJ INICIJATIVI GRAĐANA MJESNE ZAJEDNICE DRAGUNJA DA GRADSKO VIJEĆE TUZLA DONESE ODLUKU KOJOM ĆE SE RIJEŠITI PITANJE VODOSNABDIJEVANJA I ODVODNJE OTPADNIH VODA NA NAČIN DA ĆE SE ISTA PRIKLJUČITI NA MREŽU GRADSKOG VODOVODA, SA INFORMACIJOM SLUŽBE ZA KOMUNALNE POSLOVE, IZGRADNJU I POSLOVE MJESNIH ZAJEDNICA, BROJ 05-19-142/24 OD 29. 01. 2024. GODINE**

Predlagač: građani Mjesne zajednice Dragunja.

Obrađivač: Služba za komunalne poslove, izgradnju i poslove mjesnih zajednica.

Materijal su razmatrali: klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji Komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Omer Berbić.

**OMER BERBIĆ**

Ništa evo ja ću odustati jer Nikica kaže vjerovatno on bolje zna situaciju nego ja.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije -**

Okej. Vijećnik Nikica Vidović. Izvolite.

**NIKICA VIDOVIĆ**

Ništa. Ma naravno da je inicijativa za poduprijet samo, ovaj, malo je i u šaljivom tonu vjerujem da ste vidli da ne potpisuje budući predsjednik druge mjesne zajednice. Vjerujem da je teh...(SLAĐANA KRAJINA – Vjerovatno ko urnek koriste.) Da, da malo je čudno, al da bude i u stenogramu ajd da znamo da je što kaže tis-kana greška. (SLAĐANA KRAJINA – Ma ja greška, greška.) Hvala.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije –**

Zahvaljujem se. Obzirom da nema više prijavljenih vijećnika.  
Zaključujem raspravu vijećnika.  
(vijećnik Nikica Vidović govori bez uključenog mikrofona op.a.)  
(SLAĐANA KRAJINA – Pa dao, dao im Šićki urnek vjerovatno.)

Konstatujem da je GRADSKO VIJEĆE TUZLA VODILO RASPRAVU O GRAĐANSKOJ INICIJATIVI GRAĐANA MJESNE ZAJEDNICE DRAGUNJA DA GRADSKO VIJEĆE TUZLA DONESE ODLUKU KOJOM ĆE SE RIJEŠITI PITANJE VODOSNABDIJEVANJA I ODVODNJE OTPADNIH VODA NA NAČIN DA ĆE SE ISTA PRIKLJUČITI NA MREŽU GRADSKOG VODOVODA.

Konstatujem da je GRADSKO VIJEĆE TUZLA PRIMILO K ZNANJU INFORMACIJU SLUŽBE ZA KOMUNALNE POSLOVE, IZGRADNJU I POSLOVE MJESNIH ZAJEDNICA, BROJ 05-19-142/24 OD 29. 01. 2024. GODINE U VEZI SA GRAĐANSKOM INICIJATIVOM GRAĐANA MJESNE ZAJEDNICE DRAGUNJA.

Prelazimo na tačku broj četrnaest:

**RASPRAVA O NACRTU ZAKONA O ORUŽJU I MUNICIJI**

Pa molim sekretara Gradskog vijeća da...Može malo tiše molim vas?  
(SLAĐANA KRAJINA – Aha. A imate? Dobro, dobro.)  
(NATAŠA PERIĆ – Ima Mensur. Dajte riječ Mensuru.) Evo dajem, dajem riječ vijećniku Mensuru Aliću ispred Tuzlanske alternative. Izvolite.

**MENSUR ALIĆ – vijećnik Tuzlanske alternative**

Evo ja sam već pripremio primjedbu za Nacrt, ovaj, Zakona o oružju tako da, ovaj, ću dati sekretaru da pročita (SLAĐANA KRAJINA – Može.) i ako bude primjedbi il dopuna...Uglavnom sve je ovdje obuhvaćeno pogotovo kad su u pitanju sva lovačka društva, vjerovatno i Savez lovačkih društava primjedbu je dao onu koju očekujemo da će se usvojiti na, na donošenju ovog zakona. (SLAĐANA KRAJINA – Hoćete samo mikrofona?) Može.

## SLADANA KRAJINA – sekretar Gradskog vijeća Tuzla

### PRIMJEDBE NA NACRT ZAKONA O ORUŽJU

Prva primjedba. Prijedlozi i sugestije u stvari, sve je to:

Član 7. Stav (6) „Fizičko lice može imati najviše jedan pištolj, jedan revolver, pet komada lovačkog oružja za koje su mu izdate isprave o oružju i pet komada sportskog oružja za aktivne članove sportskih i streljačkih organizacija.“

Prijedlog izmjene: Treba ukinuti ograničenja broja oružja za držaoce lovačkog i sportskog oružja.

Primjedba broj dva:

Član 11. Stav (2) „Podnosilac zahtjeva koji ispunjava opće uvjete iz člana 9. Stav (2) ovog zakona, će u roku od 60 dana od dana obavještenja o ispunjavanju uslova, dostaviti dokaze o ispunjavanju posebnih uvjeta iz člana 9. Stav (3) tačka a) i b) ovog zakona.“

Prijedlog izmjene: Rok za dostavljanje dokaza o ispunjavanju posebnih uvjeta treba produžiti na 120 dana.

Primjedba broj tri:

Član 11. Stav 4. Mijenja se i glasi:

„(4) Fizičko lice ima opravdan razlog za nabavljanje i posjedovanje lovačkog oružja ukoliko je član lovačke organizacije i ukoliko ima položen lovački ispit, što dokazuje uvjerenjem izdatim od strane lovačke organizacije u kojem se navodi da je to lice aktivan član lovačke organizacije i da je položilo lovački ispit u skladu s važećim propisima za polaganje lovačkih ispita u vrijeme polaganja ispita.“

Četvrta primjedba:

Član 25. Stav 1. Mijenja se i glasi:

„Oružni list i odobrenje za držanje vatrenog oružja izdaje nadležna policijska uprava.“

Član 25. Stav 3. Mijenja se i glasi:

„Nakon izdavanja oružnog lista, nadležna policijska uprava svakih pet godina po službenoj dužnosti uvidom u podatke iz službenih evidencija nadležnih pravosudnih tijela provjerava ispunjava li vlasnik oružja i dalje uslove iz člana 10. Stav 2. tačka d) i e) i f) ovog zakona.“

Sve ostale stavove člana 25. Prilagoditi predloženoj izmjeni stava 1. i 3.

Primjedba broj pet:

Član 36. Stav (6) „Fizičko lice ne smije nositi oružje kada je pod utjecajem alkohola, opojnih droga ili drugih omamljujućih sredstava, odnosno prilikom ispitivanja odgovarajućih sredstava i aparatima za mjerenje alkoholiziranosti od strane ovlaštenih lica ne smije imati alkohola, opojnih droga i drugih omamljujućih sredstava u organizmu u količini većoj od 0,00 grama po kilogramu.“

Prijedlog izmjene: Iz citiranog stava treba brisati odredbu o količini obzirom na različite mjerne jedinice za različita opojna sredstva i supstance.

Primjedba broj šest:

U članu 47. Stav (5) riječi „12 mjeseci“ zamjeniti riječima „18 mjeseci.“

Razlog je što je za nasljednika neophodno da bi naslijedio lovačko oružje ostavitelja, mora se učlaniti u lovačku organizaciju, proći pripravnički staž u trajanju od jedne godine, položiti lovački ispit pa tek onda steći uslove za nabavljanje i držanje lovačkog oružja. Iz tog razloga

je rok od 12 mjeseci kratak, dok je rok od 18 mjeseci optimalan da se naslijeđeno lovačko oružje registruje u skladu sa zakonom.

Primjedba broj sedam:

U članu 48. Stav 3. Riječi „tri godine“ zamjenjuju riječima „pet godina.“

Razlog je što vrlo često ostavinski postupci bivaju prekinuti upućivanjem jedne od stranaka na parnicu a koja realno teče i više od tri godine, tako da bi optimalan rok bio pet godina.

I primjedba broj osam:

U članu 49. Stav 4. Se briše. (Veza: prijedlog izmjena člana 25)

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije –**

S obzirom da nema više vijećnika prijavljenih za diskusiju zaključujem raspravu i konstatujem da je Gradsko vijeće Tuzla razmatralo NACRT ZAKONA O ORUŽJU I MUNICIJI te da nema...(SLAĐANA KRAJINA – Samo malo to stoji zato što imamo sad ove...) Aha imamo. Te da imamo primjedbu, prijedloge...

**SLAĐANA KRAJINA – sekretar Gradskog vijeća Tuzla**

- Te predlažemo da se, da Gradsko vijeće prihvati ove primjedbe i da se one kao primjedbe Gradskog vijeća upute Ministarstvu unutarnjih poslova.

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije –**

Prelazimo na tačku petnaest:

**RAZMATRANJE IZVJEŠTAJA KOMISIJE ZA IZBOR I IMENOVANJA**

Te molim sekretara Gradskog vijeća da pročita pristigle prijedloge.

**SLAĐANA KRAJINA – sekretar Gradskog vijeća Tuzla**

Komisija za izbor i imenovanja je razmatrala prijedlog SDP...(MENSUR ALIĆ - Poslovnička.)

**ANA PEJIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije –**

Poslovnička. (MENSUR ALIĆ – Poslovnička. Izvinjavam se.) (SLAĐANA KRAJINA – Aha.) Možete.

**MENSUR ALIĆ**

Ovo danas neka ide kako ide. Međutim, mi imamo jedan zaključak. Ja mislim da je to u prošlom mandatu bilo da smo donijeli, Gradsko vijeće da je donijelo da u izbornoj godini, u izbornoj godini nema izmjena ni članova Savjeta mjesnih zajednica, ni Komisija ni bilo čega kad je u pitanju Gradsko vijeće. Pogledajte naćete taj zaključak. Ima 100% sam provjerio da

postoji. U izbornoj godini, u izbornoj godini da nema promjena ali evo neka ide to danas da istražimo. (SLAĐANA KRAJINA – U ovom, u ovom mandatu donesen?) Da. (SLAĐANA KRAJINA – U ovom mandatu?) Nije. U prethodnom mandatu. (SLAĐANA KRAJINA – To može biti samo sugestija a takav zaključak...) Zaključak je bio takav. Evo da pronađemo pa ćemo vidjet jel to tačno il nije. Al kažem evo neka ide ovo danas kako ide al za sljedeće Vijeće da vidimo tačno postoji li taj zaključak il ne postoji. (SLAĐANA KRAJINA – Može naravno evo do Kolegija mada je to neobavezujuće za ovaj saziv.) Upravo zbog izbora to (SLAĐANA KRAJINA – Ja.) to smo mi donijeli takvu odluku. (SLAĐANA KRAJINA – Dobro. Provjerit ćemo naravno.) Može samo da se provjeri.

### **SLAĐANA KRAJINA – sekretar Gradskog vijeća Tuzla**

Može, može. Možete li mi samo mikrofon?

Komisija za izbor i imenovanje je razmatrala prijedlog Socijaldemokratske partije BiH za izmjenu predsjednika Savjeta Mjesne zajednice Batva i člana savjeta Mjesne zajednice Grabovica, te je usvojila sljedeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjavanje upućuje prijedlog SDP Socijaldemokratske partije Bosne i Hercegovine da se:

- Rijad Vrabac razrješi dužnosti predsjednika Savjeta Mjesne zajednice Batva,
- a da se na dužnost predsjednika Savjeta Mjesne zajednice Batva izabere Jasmin Gavranović,

Gavranović,

- Izet Šljivić razrješi dužnosti člana Savjeta Mjesne zajednice Grabovica,

- a da se na dužnost člana Savjeta Mjesne zajednice Grabovica izabere Denis Pranjić, pa da stavite na izjašnjavanje prijedlog SDP-a.

### **ANA PEJIĆ – zamjenik predsjedavajućeg Gradskog vijeća Tuzla, - vijećnik Socijaldemokratske partije –**

Molim vijećnike da se izjasnje o pročitanim prijedlozima. Glasanje je okončano.

Navedeni prijedlozi dobili su potrebnu većinu,

za je bilo 24, nije bilo protiv i nije bilo suzdržanih.

Jel ima još? (SLAĐANA KRAJINA – Nema. To je to.)

Obzirom da nema više pristiglih prijedloga prelazimo na tačku šesnaest:

### **TEKUĆA PITANJA**

Konstatujem da nije bilo prijedloga koji bi se razmatrali u okviru ove tačke Dnevnog reda i konstatujem da je Dnevni red iscrpljen.

Zahvaljujem se vijećnicima, predlagračima i obrađivačima materijala i zaključujem 35. redovnu sjednicu Gradskog vijeća Tuzla. (Hvala ljepo.)

(S obzirom da je Dnevni red iscrpljen i 35. redovna sjednica Gradskog vijeća Tuzla zaključena ista je završena u 13:46 sati.)

### **STENOGRAM SAČINILI:**

**Selma Šehić**

**Jasminka Delalić**

### **P R E D S J E D A V A J U Ć I**

**Nataša Perić, prof. s.r.**